

INUIT ATAQATIGIIT

INATSISARTUNI



UKA2022/Imm. 118

Oktobarip 5-at 2022

**Uunga siunnersuut: Eqqumiitsuliornermik ingerlatsineq pillugu
Inatsisartut inatsisaannut allannguutissatut siunnersuut.**

Ilinniartitaanermut, Kultureqarnermut, Timersornermut Ilageeqarnermullu
Naalakkersuisoq

Oqaaseqaat:

Naalakkersuisut eqqumiitsuliortatsinnut ataaqqinaammik tunniusseriaaseq –
inatsisitigut aningaasaliinerusussamik tunngavilik nutaaq atulersinneqassasoq
siunnersuutigaat.

Anguniarneqarpoq eqqumiitsuliortoq ataaqqiniarneqartoq piffissami
sivisunerusumi aningaasatigut taperneqartarluni eqqumiitsuliornikkut
piginnaasaminik inerisaaqqinniarnerani atorneqarsinnaasunik.

Eqqumiitsuliortut immikkut maligassiuisut annertunerusumik
ukkatarineqarnerulernissaat matumani aamma tunngaviuvoq, tassuunakkullu
eqqumiitsuliornерup kiisalu eqqumiitsuliорерup silarsuaani inuiaqatigiinnut
pingaassusaat immikkut ukkatarineqarnerulernerat aqqutissiuunneqassalluni.

Naalakkersuisut nassuaanerattut taava immikkut ataaqqisariallit taakkuupput
ukiorpassuarni eqqumiitsuliortutut suliaqarsimanerminni pingaaruteqartutut
immikkut malunnaateqarsimasut kiisalu aamma allanut nunaqqatiminnt
eqqumiitsuliortoqatiminnullu maligasiuilluarsimasuusut.

INUIT ATAQATIGIIT

INATSISARTUNI



Oqaasertaliussami "ataqqinaammik tunineqartussat" ima paasineqassasoq Naalakkersuisut nassuaateqarput – tassa taakkuussasut inuit eqqumiitsulianik suliaqarnerminni annertuumik inuiaqatigiinni ataaqqineqalersimasut.

Naalakkersuisut siunnersuutigaat ataaqqinaammik tunissuteqartalernissaq - inunnut sisamanut tunniunneqartalissasoq – ukiumullu taakku tamarmik immikkut 250.000 tikillugit aningaasatigut tunineqartassasut – ukiullu 10-it tikillugit sivisussuseqarsinnaasumik taakkungannga aningaasalorsorneqarsinnaallutik.

Taassumallu saniatigut siunnersuummi aamma siunnersuutigineqarpoq "akissarsitsisarneq"-mut tunngasoq. Eqqumiitsuliortoq aamma uani ataaqqiniarneqarpoq – aningaasatigullu 20.000-nilik tunineqarnerisigut peqatigisaanik eqqumiitsuliornikkut piginnaasaminik inerisaqqinniarnerani iliuuseqarsinnaalluni. Matumanilu aamma maligassiuisuunera pillugu eqqumiitsuliortoq nersorniarneqarpoq – ukiumullu taassumunnga nersornaatit sisamat pilersinneqarnissaat Naalakkersuisut siunnersuutigaat, tarmarmillu nersornaatit taakku 20.000 kr.-inik immikkut akeqassallutik. Taamaattumillu ukiut tamaasa 80.000 koruunit taassumunnga siunertamut aningaasartuutaasalissallutik.

Ukiumoortumik nersornaasiisarnerit naliginnaasut tassa kulturikkut kajumissaataasartullu saniatigut akissarsitsisarnerit nutaat uku taamaasillutik ingerlanneqartalissasut Naalakkersuisut siunnersuutigaat.

Inuit Ataqatigiinniit siunnersummut atatillugu aamma maluginiarparput Naalakkersuisut erseqqissaatigaat siunnersuut – "siunnersuutaannaasoq" – aammalu ataaqqinaammik tunniunneqartartut inatsisit tunngavigalugit aningaasaliinerusussat pineqarmata – kiisalu tapiissuteqartarnissaq nutaaq

INUIT ATAQATIGIIT

INATSISARTUNI



siunnersuut pineqarmat – taava inatsisiliortut taassumunnga isummernissaat kissaatigineqartoq – ilaatigut makku pillugit – tunniussinerit amerlassusii, tunniussinerit sivisussusii annertussusaalu.

Inuit Ataqatigiit eqqumiitsuliortortatsinnik tapersersuinissarput – suli annertusarneqarnissaa aamma anguniagaraarput.

Atuarneqarsinnaasutut EPI-kkut siunnersuut pillugu oqaloqatigineqarsimapput. Tapersersuinertillu oqariartuitigisimagaat siunnersuummi atuarneqarsinnaavoq.

Akerlianilli una siunnersuut pillugu tusagassiuititigut sammineqarsimasoq tamatta arajutsisimagunannngilarput. Tassanilu ersippoq aamma eqqumiitsuliortut allat – allatut isumaqartut – nunatsinni eqqumiitsuliortortatsinnik annertunerusumik tapersersuisoqarnissaanik aqqutsissiuussisoqarnissaanut tunngatillugu.

Inuit Ataqatigiinniit siunnersuut matumani pisarput pillugu – kiisalu qanorpiaq ilusilerlugu aaqqissuunneqarnissaa – imaluunniit allatut aaqqissuullugu atuuttussanngortinneqassagaluarpat – namminermi apeqqutit taamaattut pillugit inussiarnersumik oqariartuitigerusupparput – allatut siunnersuut una aaqqissuullugu politikkikkut suliarineqarnissaa oqariartuitigerusukkatsigu.

“Siunissami eqqumiitsuliornikkut ilisarnaatissarput” tassavoq novemberip 1-niit 3-anut isumasioqatigiisitsisoqarnissaannut qulequtsiunneqarsimasoq. Tassani eqqumiitsuliortut tamalaat peqataaffigisaannik nunatsinni eqqumiitsuliornikkut siunissarput pillugu isumasioqatigiittoqartussaavoq. Naalakkersuisullu tamanna aaqqissuussaraat.

INUIT ATAQATIGIIT

INATSISARTUNI



Inuit Ataqatigiinniit qilanaarissavarput eqqumiitsuliortortatta kiisalu eqqumiitsuliornerup silarsuaani suliallit – isumaat siunissamilu takorluugaat annertunerusumik tusarfiginissaat.

Isumasioqatigiinneq pilersaarutit malillugit ungasinnngitsukkut aaqqissuunneqartussaq soormi utaqqimaalaarutsigu? Eqqumiitsuliortortatta isumaat siunissamilu takorluugaat – taamaasilluta qitiutinnerullugit aallaavigisinnaalissagaluarpagut?

Taakkuppummi ulluinnarni eqqumiitsuliornerup silarsuaani inuuniuteqarlutillu toqqaannartumik aallussisuusut – taamaattumillu Inuit Ataqatigiinniit isumatusaarnertut isigaarput - taakku qanoq takorluugaqarnerat paasisinnarlutigu nunatsinni eqqumiitsuliorneq pitsaanerusumik aqqutissiuunneqarnissaa siunissami taakku isumaat aallaavignerisigut aamma aaqqissuussinnaassagutsigu.

Siunnersuut una pillugu aappaasaaneerinnginnitsinni – eqqumiitsuliortut isumasioqatigiinnerat qanoq inerneqarumaarnissaa immaqa utaqqimaalaarsinnaagaluarpalput?

Naalakkersuisut taamaattumik inussiarnersumik kaammattorusupparput isumasioqatigiinnerup naammassinissaa utaqqimaalaqqullugu.

Kisianni tunngaviusumik – siunnersuut una akuerigaanni akuerinngikkaluaraanniluunniit – taava ataatsimut isigalugu aningaasanik eqqumiitsuliornerup silarsuaanut aningaasaleeqqinniarneq – tapersorsorparput – taamaattumillu aamma uggorissaqaarput aningaasanik tapiissuteqarniarnermi aningaasaleeqqinniarneq maangartiinnarneqassappat.

INUIT ATAQATIGIIT

INATSISARTUNI



Allatut oqaatigalugu: ataqqinninnermk takutitserusunneq, kajumissaasiineq imaluunniit qinnuteqaatinik tapiineq – tunngaviusumik tapersersugaraagut siunertaalu paasilluarsinnaallugu – kisinnili isumasioqatigiinneq qanoq inerneqarumaarnissaa tusaqqarusupparput aalajangertigata – tunngavigissaarnerulluta nunatsinni eqqumiitsuliornerup silarsuaa taamaasilluta aamma politikkikkut annertusaaviginiaassagatsigu.

Taama oqaaseqarluta ataatsimiitsitaliamut sussassaqartumut una siunnersuut suliassanngortinneqarnissaa innersuupparput.